



# 密教簡介一

## 地藏王菩薩威德力的認知(之 3)

(本篇文章為張玄祥居士所撰，未經同意，請勿引用轉載，以免犯戒。)

### 七、地藏王菩薩—重復誓度地獄眾生之原由

नमो मह प्रणिधान क्षितिगर्भा राज्या बोधिसत्त्वया

Namo mahā praṇidhāna kṣitigarbha rājāya bodhisattvāya

南無 大 願 地 藏 王 菩 薩

稽首大願慈悲主，佛滅殷囑護群倫。誓願重重無盡世，威德莊嚴更難量。  
地獄不空不成佛，眾生未盡不證覺。分身遍及諸世界，無佛有佛處同現。  
一持佛號菩薩號，有此善根即欲度。所度佛眼亦難量，十方菩薩同皈命。  
三世諸佛共稱揚，十方如來共期許。末法眾生業深重，唯依大士垂憐護。  
南無地藏王菩薩摩訶薩！南無地藏王菩薩摩訶薩！

先說明誓願 *pranidhāna*，指起希求之心，且深自有所約制（自制其心），亦即發願起誓完成某一件事。或謂心中欲成就所期目的之決意，特指內心之願望，如心願、志願、意願、念願等。一般地前菩薩或低階地上菩薩誓願力不殊勝，定要入八地菩薩才有能力發真正的誓願，所以八地菩薩以願波羅蜜多為主修，再配合其他九度混合修，即是十度波羅蜜多(布施、持戒、忍辱、精進、禪定、般若、方便、願、力、智等十)。

《法華經》卷一方便品：「舍利弗當知，我本立誓願，欲令一切眾，如我等無異。」蓋菩薩自最初發起菩提心，至完遂為止之不成佛等，即由其所發之誓願。佛及菩薩共通之願稱為總願，即指四弘誓願；個別之願則稱別願，阿彌陀佛之四十八願、藥師如來之十二願、普賢菩薩之十大願等，即屬別願。淨土宗特稱阿彌陀佛之本願為誓願。因其普遍救度眾生之願，乃由發誓而來，故稱為弘願、弘誓；

又因其願心深重，故稱為重願，又稱不捨誓約、本誓。由誓願而成就之力量，稱為誓願力；其作用非凡夫所能思議，故稱為誓願不思議。

關於誓、願之異同，法界次第初門卷下之上謂，自制其心稱為「誓」，志求滿足稱為「願」。又據吉藏大師之《勝鬘寶窟》卷上未載，誓、願二者有同亦有異，同者猶如智與慧、眼與目；異者在即事以行為「誓」，如十受等，要期未得為「願」，如三願等。是知誓願必伴以「邀制」(即志求、約制—自制其心)之義，而非僅發願希求而已。如阿彌陀佛四十八願每一願之願文皆有「設我得佛」與「不取正覺」二語，其中之「設我得佛」即是發願希求之義，「不取正覺」則為「邀制」之義。

地藏王菩薩初見師子奮迅具足萬行如來卅二相八十隨好，讚嘆問如何具足此報身莊嚴相，師子奮迅具足萬行如來告以要發菩提心誓度一切眾生，就能成佛具足圓滿報身，因此地藏王菩薩即發菩提心。之後，地藏王菩薩累劫生中，因欲救母得出地獄，發誓願度一切地獄眾生，同時本誓未盡，又因欲救其他生之母親又重復發願，誓度盡一切地獄苦難眾生，重復又重復，以致於今能成佛卻不想成佛，可知其願力之大，故吾等稱祂為大願地藏王菩薩。

依《地藏菩薩本願經》云：「佛告文殊師利！譬如三千大千世界，所有草木叢林，稻麻竹葦，山石微塵，一物一數，作一恒河，一恒河沙，一沙一界。一界之內，一塵一劫，一劫之內，所積塵數，盡克為劫。地藏菩薩證十地果位已來，千倍多於上喻。何況地藏菩薩在聲聞、辟支佛地。文殊師利！此菩薩威神誓願，不可思議。若未來世，有善男子、善女人，聞是菩薩名字，或讚歎，或瞻禮，或稱名，或供養，乃至彩畫、刻鏤、塑漆形像，是人當得百返生於三十三天，永不墮惡道。」

「文殊師利！是地藏菩薩摩訶薩，於過去久遠不可說不可說劫前，身為大長者子。時世有佛，號曰師子奮迅具足萬行如來。時長者子，見佛相好，千福莊嚴，因問彼佛：『作何行願，而得此相？』時師子奮迅具足萬行如來告長者子：『欲證此身，當須久速度脫一切受苦眾生。』」

「文殊師利！時長者子，因發願言：『我今盡未來際不可計劫，爲是罪苦六道眾生，廣設方便，盡令解脫，而我自身，方成佛道。』以是於彼佛前，立斯大願，于今百千萬億那由他不可說劫，尚爲菩薩。(初發菩提心誓願成佛道)

「又於過去，不可思議阿僧祇劫，時世有佛，號曰覺華定自在王如來。彼佛壽命，四百千萬億阿僧祇劫。像法之中，有一婆羅門女，宿福深厚，眾所欽敬；行住坐臥，諸天衛護。其母信邪，常輕三寶。是時聖女，廣說方便，勸誘其母，令生正見。而此女母，未全生信，不久命終，魂神墮在無間地獄。時婆羅門女，知母在世不信因果，計當隨業，必生惡趣。遂賣家宅，廣求香華，及諸供具，於先佛塔寺，大興供養。見覺華定自在王如來，其形像在一寺中，塑畫威容，端嚴畢備。時婆羅門女，瞻禮尊容，倍生敬仰。私自念言：『佛名大覺，具一切智，若在世時，我母死後，儻來問佛，必知處所。』時婆羅門女，垂泣良久，瞻戀如來。忽聞空中聲曰：『泣者聖女！勿至悲哀，我今示汝母之去處。』婆羅門女合掌向空，而白空曰：『是何神德，寬我憂慮。我自失母已來，晝夜憶戀，無處可問知母生界。』時空中有聲，再報女曰：『我是汝所瞻禮者，過去覺華定自在王如來。見汝憶母，倍於常情眾生之分，故來告示。』婆羅門女聞此聲已，舉身自撲，支節皆損。左右扶侍，良久方蘇，而白空曰：『願佛慈愍，速說我母生界。我今身心，將死不久。』時覺華定自在王如來告聖女曰：『汝供養畢，但早返舍。端坐思惟吾之名號，即當知母所生去處。』

「時婆羅門女，尋禮佛已，即歸其舍。以憶母故，端坐念覺華定自在王如來，經一日一夜。忽見自身，到一海邊。其水涌沸，多諸惡獸，盡復鐵身，飛走海上，東西馳逐。見諸男子女人，百千萬數，出沒海中，被諸惡獸爭取食噉。又見夜叉，其形各異，或多手多眼，多足多頭，口牙外出，利刃如劍，驅諸羣人，使近惡獸，復自搏攫，頭足相就。其形萬類，不敢久視。時婆羅門女，以念佛力故，自然無懼。

「有一鬼王，名曰無毒，稽首來迎，白聖女曰：『善哉！菩薩何緣來此？』時婆羅門女問鬼王曰：『此是何處？』無毒答曰：『此是大鐵圍山西面第一重海。』聖女問曰：『我聞鐵圍之內，地獄在中，是事實不？』無毒答曰：『實有地獄。』聖女問曰：『我今云何，得到獄所？』無毒答曰：『若非威神，即須業力，非此

二事，終不能到。」聖女又問：『此水何緣，而乃涌沸？多諸罪人，及以惡獸？』無毒答曰：『此是閻浮提造惡眾生新死之者，經四十九日後，無人繼嗣爲作功德，救拔苦難，生時又無善因，當據本業所感地獄，自然先渡此海。海東十萬由旬，又有一海，其苦倍此。彼海之東，又有一海，其苦復倍。三業惡因之所招感，共號業海，其處是也。』聖女又問鬼王無毒曰：『地獄何在？』無毒答曰：『三海之內，是大地獄，其數百千，各各差別。所謂大者，具有十八。次有五百，苦毒無量。次有千百，亦無量苦。』聖女又問大鬼王曰：『我母死來未久，不知魂神當至何趣？』鬼王問聖女曰：『菩薩之母，在生習何行業？』聖女答曰：『我母邪見，譏毀三寶。設或暫信，旋又不敬。死雖日淺，未知生處。』無毒問曰：『菩薩之母，姓氏何等？』聖女答曰：『我父我母，俱婆羅門種。父號尸羅善現，母號悅帝利。』無毒合掌，啓菩薩曰：『願聖者却返本處，無至憂憶悲戀。悅帝利罪女，生天以來，經今三日。云承孝順之子，爲母設供、修福，布施覺華定自在王如來塔寺。非唯菩薩之母得脫地獄，應是無間罪人，此日悉得受樂，俱同生訖。』鬼王言畢，合掌而退。婆羅門女，尋如夢歸。悟此事已，便於覺華定自在王如來塔像之前，立弘誓願：『願我盡未來劫，應有罪苦眾生，廣設方便，使令解脫。』』

佛告文殊師利：「時鬼王無毒者，當今財首菩薩是。婆羅門女者，即地藏菩薩是。」(再次發菩提心誓度地獄苦難眾生)

依《地藏菩薩本願經》繼云：佛告定自在王菩薩：「一王發願早成佛者，即一切智成就如來是。一王發願永度罪苦眾生，未願成佛者，即地藏菩薩是。復於過去，無量阿僧祇劫，有佛出世，名清淨蓮華目如來，其佛壽命四十劫。像法之中，有一羅漢，福度眾生。因次教化，遇一女人，字曰光目，設食供養。羅漢問之：『欲願何等？』光目答言：『我以母亡之日，資福救拔，未知我母生處何趣？』羅漢愍之，爲入定觀，見光目女母墮在惡趣，受極大苦。羅漢問光目言：『汝母在生，作何行業？今在惡趣，受極大苦。』光目答言：『我母所習，唯好食噉魚鼈之屬。所食魚鼈多食其子，或炒或煮，恣情食噉。計其命數，千萬復倍。尊者慈愍，如何哀救？』羅漢愍之，爲作方便，勸光目言：『汝可志誠念清淨蓮華目如來，兼塑畫形像，存亡獲報。』」

「光目聞已，即捨所愛，尋畫佛像，而供養之。復恭敬心，悲泣瞻禮。忽於夜後，夢見佛身，金色晃耀，如須彌山，放大光明，而告光目：『汝母不久，當生汝家，纔覺飢寒，即當言說。』」

「其後家內，婢生一子，未滿三日，而乃言說，稽首悲泣，告於光目：『生死業緣，果報自受。吾是汝母，久處暗冥，自別汝來，累墮大地獄。蒙汝福力，方得受生。爲下賤人，又復短命，壽年十三，更落惡道。汝有何計，令吾脫免？』光目聞說，知母無疑，哽咽悲啼，而白婢子：『既是我母，合知本罪，作何行業，墮於惡道？』婢子答言：『以殺害毀罵二業受報。若非蒙福，救拔吾難，以是業故，未合解脫。』光目問言：『地獄罪報，其事云何？』婢子答言：『罪苦之事，不忍稱說，百千歲中，卒白難竟。』」

「光目聞已，啼淚號泣，而白空界：『願我之母，永脫地獄。畢十三歲，更無重罪，及歷惡道。十方諸佛，慈哀愍我，聽我爲母所發廣大誓願：若得我母永離三塗，及斯下賤，乃至女人之身，永劫不受者，願我自今日後，對清淨蓮華目如來像前，却後百千萬億劫中，應有世界，所有地獄，及三惡道，諸罪苦眾生，誓願救拔，令離地獄惡趣、畜生、餓鬼等。如是罪報等人，盡成佛竟，我然後方成正覺。』」

「發誓願已，具聞清淨蓮華目如來而告之曰：『光目！汝大慈愍，善能爲母發如是大願。吾觀汝母，十三歲畢，捨此報已，生爲梵志，壽年百歲。過是報後，當生無憂國土，壽命不可計劫。後成佛果，廣度人天，數如恒河沙。』」

佛告定自在王：「爾時羅漢福度光目者，即無盡意菩薩是。光目母者，即解脫菩薩是。光目女者，即地藏菩薩是。過去久遠劫中，如是慈愍發恒河沙願，廣度眾生。」

「未來世中，若有男子女人，不行善者，行惡者，乃至不信因果者，邪婬妄語者，兩舌惡口者，毀謗大乘者，如是諸業眾生，必墮惡趣。若遇善知識，勸令一彈指間歸依地藏菩薩，是諸眾生，即得解脫三惡道報。若能志心歸敬，及瞻禮讚歎，香華衣服，種種珍寶，或復飲食，如是奉事者，未來百千萬億劫中，常在諸天受勝妙樂。若天福盡，下生人間，猶百千劫，常爲帝王，能憶宿命因果本末。」

定自在王，如是地藏菩薩，有如此不可思議大威神力，廣利眾生，汝等諸菩薩，當記是經，廣宣流布。」

定自在王白佛言：「世尊！願不有慮。我等千萬億菩薩摩訶薩，必能承佛威神，廣演是經於閻浮提，利益眾生。」定自在王菩薩白世尊已，合掌恭敬，作禮而退。**(第三次發菩提心誓度地獄受苦眾生)**

所以吾等要成佛，定要發菩提心，發誓度一切苦難眾生心，未來世才能成佛。據《放光般若經》卷三問僧那品、無量壽經卷下等載，佛菩薩皆於發心之初，志求無上菩提，欲度一切眾生。此類誓願稱為弘誓，又稱為總願，如四弘誓、二十大誓等。同時，佛菩薩亦發願清淨佛土、成就眾生，此類誓願雖通於一切佛菩薩，然依眾生之意樂而有所不同，故稱為別願，如阿彌陀佛之四十八願、藥師如來之十二願等。蓋「果」雖由「行」所招至，然若無「願」，則其行亦無法到達所期之目的。又佛菩薩欲達成佛教之最高目的，再入於「因位」之願，稱為本願、因願，或宿願；其本願之力或作用，稱為願力。故知凡佛菩薩修佛道，一心誓願成佛者，則不可或缺「願作佛心」；若誓願教化眾生，則須具有「度眾生心」；合上記之二種心，略稱為願作度生。此外，有關「願」之成語尚有多種，如：願巧，巧妙之本願；上願，謂勝上之願；悲願，謂慈悲之願；願事，指所願之內容；願主，指發願之人；而特別發願行使某事，即稱為行願。

## 八、地藏王菩薩以聲聞身莊嚴像示現娑婆世界

也許所見經典不足，若無記錯的話，所有諸大菩薩僅是地藏王菩薩以聲聞像法相示現於娑婆世界，真是莊嚴無倫比，見《大方廣十輪經》云：「是地藏菩薩作沙門像，現神通力之所變化。……」數日前與同學們去台灣中部三義文藝勝地，順便見了一雕塑博物館，其中有一文殊菩薩以聲聞像雕塑，據館主言這是日本人的要求，唯此法相不見於經典，因經典未見有談到文殊師利菩薩現聲聞像的。

《大方廣十輪經》：「如是我聞。一時佛在佉羅堤耶(Kharādiya)山牟尼仙所住之處，與大比丘眾俱，無量無數聲聞大眾，菩薩摩訶薩無量無邊不可稱計，說月藏訖。爾時南方有大香雲雨大香雨，大華雲雨大華雨，無量瓔珞雲雨種種瓔珞雨，



大衣雲雨大衣雨。於佉羅堤耶山牟尼仙所住處，是諸大雨皆悉遍滿。大陰雲雨而雨香華衣服瓔珞，亦說種種無量法音。如是次第乃至廣說三歸聲、持戒聲、忍辱聲、精進聲、禪定聲，具足智慧聲，降伏四魔聲，名稱普聞遍滿三界聲，念定總持聲，空無相無願聲，離欲聲，色如聚沫聲，受如水泡聲，想如熱炎聲，行如芭蕉聲，識如幻聲，無常苦空無我之聲，慚愧聲，念處聲，慈悲喜捨聲，證諸法聲，涅槃聲，無窟宅聲，三乘聲，轉法輪聲，成熟眾生聲，度三惡道聲，六波羅蜜聲，善巧方便乃至具足十地聲，遊戲神通聲，遊戲無上大乘聲，阿鞞跋致聲，無生法忍聲，入佛海聲。

諸來大眾悉見種種雨，亦聞無量諸法音聲，隨意衣服嚴飾之聲。又復皆悉見其兩手有如意珠雨如意寶，其如意寶各出光明。如是光中皆見十方恒沙世界一切諸佛，是諸佛所各有菩薩而自圍遶，其光明中盡見十方諸佛世界。若有病者蒙光觸身眾病除愈，一切繫縛及應死者，光觸身故皆得解脫。若身行惡口行惡意行惡，光觸身時悉除三惡。若諸飢渴眾生蒙光觸身亦皆飽滿種種謫罰身受苦切，乏少衣服嚴飾瓔珞種種之物，蒙光觸身隨所念憶悉得滿足。若有殺生偷盜邪淫妄言綺語兩舌惡口罵詈，蒙光觸身如是等惡皆悉得除。若諸眾生有求不得苦，蒙光觸身皆悉受樂，光明清淨悉無翳障風雲塵霧及諸臭穢，苦惱辛酸不善音聲，乃至怖畏惡觸皆得除滅。遠離諸惡一切邪偽諂曲亦皆無餘，一切惡欲悉得棄捨，諸妙勝樂一切皆集。

爾時眾會皆悉堅固，難動如地，心無去來不可毀壞，如是大眾得未曾有，以何因緣我等身體今皆大重不能自勝。當於爾時有一帝釋名曰淨有，於大眾中不遠而坐，於是淨有，即從座而起整衣服，右膝著地合掌向佛。以偈問曰。

|       |       |       |       |
|-------|-------|-------|-------|
| 實語實見者 | 實住牟尼尊 | 久住於法行 | 惟願演說法 |
| 佛為實因緣 | 能滅眾生苦 | 何故於此處 | 而雨種種雨 |
| 大眾皆喜悅 | 心生信安樂 | 開示諸疑惑 | 令住於大乘 |
| 身難動如地 | 及一切人天 | 皆見如是相 | 大眾悉有疑 |
| 兩手各皆出 | 摩尼寶光明 | 一切諸衣鬘 | 雜飾嚴身具 |
| 十方之福田 | 離一切過惡 | 眾苦得休息 | 皆因於救世 |
| 一切諸天人 | 無能說因緣 | 是誰神通力 | 而來至此處 |
| 為佛諸菩薩 | 梵魔帝釋等 | 唯願救世說 | 神通之因緣 |

爾時世尊，告淨有帝釋言：如是如是，汝今諦聽，吾當說之，是地藏菩薩摩訶薩，於無量阿僧祇劫，為五濁惡世成熟眾生故而來至此，與八十頻婆那由他百千億等大菩薩俱，悉為禮拜供養恭敬故，欲見大眾集會故，欲聽大眾起隨喜故。

是地藏菩薩作沙門像，現神通力之所變化，有如是等大莊嚴事。亦是如來不可思議無量功德，亦名聲聞辟支佛正法伏藏，亦名解脫智寶之大寶渚，亦名菩薩救世之法，亦名涅槃導師商主，猶若如意寶珠所求滿足，亦如寶渚一切商人所趣，亦如大地能生善根，亦是涅槃大法神器，亦是功德清淨之瓶，亦是日月照明行處，亦是黑闇幽冥大炬，如月清涼除煩惱熱，如無足者得如意乘，如亂心者得甘露味，如羸老者遇其杖，是大福田之根本也，捨心無礙如彼浚流，救苦不難如赴親友，除結使炎之大雲蓋，如淨水珠能除穢濁，若趣險道迴示正路，是疲極者安隱床座，是四使流生死橋梁，亦度彼岸無上大船，是三善根勝妙果報，是諸施者最上大乘，持戒不動如須彌山，精進難壞猶如金剛，忍辱堅固亦如大地，總持正法心無二相，禪定莊嚴如妙華鬘，智慧深廣猶如大海，心無所依猶如虛空，方便無染如眾華聚，處於外道如師子王，遠離煩惱如犀一角，滅諸結使如洗塵垢，能除臭穢如疾飄風，將護有疾如彼良醫，消除眾病如妙藥王，斷諸煩惱結如持利劍，為怖畏者作大親友，防諸怨敵如堅城塹，能除其渴如清淨水，濟諸飢乏猶如甘果，亦是裸者最勝衣服，與盛熱者為密雲蓋，具足如是善根果報，清淨第一堅固不壞，微妙色處能生愛樂，於大會處而生慚愧，除諸結使禪定行處，乘四正勤四攝駛流，忍辱大地亦如須彌，總持深廣如彼大海，神足無礙自在虛空，降伏諸魔一切結習，修行正道無量禪定，亦為一切種智之渚，能轉無作清淨法輪。

地藏菩薩摩訶薩，為欲來故先現此瑞，亦為供養恭敬我故來至於此，佛復讚歎地藏菩薩言，汝從南方來，八十頻婆百千那由他菩薩以神通力俱來至此，悉作聲聞像在如來前，頂禮佛足右繞三匝，即為合掌而說偈言。

|         |         |         |         |
|---------|---------|---------|---------|
| 兩足最勝大導師 | 恒修於慈發善心 | 能生忍辱如大地 | 解脫眾生除瞋恚 |
| 具足最大諸相好 | 而能嚴飾一切界 | 能滿一切諸福田 | 常修實語及大慈 |
| 能悉斷除諸愛網 | 皆能如實善安住 | 捨餘清淨諸佛國 | 其中眾生具善根 |
| 本願欲度濁惡世 | 成熟一切諸眾生 | 能生堅固勤精進 | 超過無量諸苦行 |
| 常修難行恐怖處 | 超過無量諸苦行 | 布施持戒忍精進 | 修習禪定與智慧 |
| 無數諸佛菩薩等 | 聲聞大眾皆供養 | 充給飢渴病湯藥 | 救度一切諸繫縛 |



|         |         |         |         |
|---------|---------|---------|---------|
| 我從本來捨身命 | 爲利眾生無貪惜 | 常爲法故而捨身 | 皮骨血肉施眾生 |
| 已所得樂皆悉捨 | 有大慈悲爲一切 | 於諸眾生煩惱網 | 修行寂滅悉超度 |
| 關閉一切六情根 | 常能遠離於諸欲 | 修苦無常空無我 | 亦善觀察於世諦 |
| 諸苦所因愛欲本 | 悉能乾竭諸煩惱 | 以是義故攝六根 | 能善斷除一切愛 |
| 能修無量大悲門 | 普給一切諸群生 | 我要不捨本誓願 | 而亦不住勝菩提 |
| 一切眾生如如相 | 亦見群盲受苦切 | 如是思惟爲眾生 | 便能勤修大精進 |
| 發起精進施戒忍 | 修諸禪定及智慧 | 猶如其母唯一子 | 而以慈心育養之 |
| 汝於眾生亦如是 | 常能賑給於一切 | 是故汝速得菩提 | 度脫一切無量眾 |
| 汝本修習菩提時 | 誓願不捨一眾生 | 無不使住施戒忍 | 精進禪定修智慧 |
| 常能於彼末世中 | 求於無上勝菩提 | 是故救世於末劫 | 速得無上最勝道 |
| 調伏惡魔夜叉等 | 諸惡龍神及與人 | 猶如金剛斷諸結 | 悉能安住諸聖道 |
| 爲無量眾而授記 | 當成菩提無上道 | 功德最勝明智者 | 是真福田之大將 |
| 於無量界爲救世 | 普覆一切諸群生 | 於十方界作福田 | 名聲遠聞遍一切 |
| 是故一切諸菩薩 | 皆悉能捨於己事 | 是汝神足而來集 | 俱詣世尊大牟尼 |
| 願令如來時演說 | 若得聞者皆歡喜 | 既聞法已勤精進 | 常得修學菩提道 |
| 皆由於汝大將力 | 當得疾近於菩提 | 未曾聞見今大集 | 是故汝等俱來會 |
| 有十三億諸夜叉 | 甚爲殘害食血肉 | 疾捨諸惡到於此 | 安住最勝無上道 |
| 有得忍辱陀羅尼 | 有得最妙諸禪定 | 有已獲證諸漏盡 | 無著羅漢人中尊 |
| 有能善修四無量 | 有能住於四攝法 | 有得最勝四辯才 | 復有得修諸法忍 |
| 有得三昧首楞嚴 | 有得虛空智慧眼 | 有得無生諸法忍 | 皆因世尊所說法 |
| 悉制一切諸異學 | 九十六種外道等 | 摧伏一切魔怨已 | 皆是救世大將力 |
| 關閉地獄鬼畜生 | 利益一切天人眾 | 是故真實諸眾生 | 而皆來集佛神力 |
| 飢饉疾疫刀兵劫 | 悉於今日而消滅 | 若有盲冥失正道 | 此諸眾生令解脫 |
| 無量煩惱狂亂者 | 皆悉安置寂滅道 | 合眾悉能捨己業 | 爲禮如來故至此 |
| 無量世界億佛土 | 皆是救世之所住 | 名聞十方稱無量 | 我等聞已故至此 |
| 一切種智功德海 | 得聞如是真實相 | 度脫一切諸眾生 | 我今歡喜故敬禮 |
| 令我增長無量德 | 是故稽首今頂禮 | 而於百千萬億劫 | 常勤修習種種施 |
| 我今當學發弘誓 | 我今來此佛神足 | 我當修學處濁世 | 能到第一勝菩提 |

爾時地藏菩薩摩訶薩，以若干種天華香華瓔珞而散佛上，所散之華變成寶蓋，是時地藏菩薩，在佛前坐聽受經法。諸來會眾，見地藏菩薩生希有想，以種種香華瓔珞繪蓋幢幡及諸衣服，以散地藏菩薩上作如是言，我等快得善利，佛神力故得見如是諸大丈夫禮敬問訊。

爾時復有渴仰菩薩摩訶薩，從座而起整其衣服，右膝著地合掌向佛，白佛言：世尊！此善男子，從何佛國而來至此，修何善根能作如是種種讚歎說佛功德，我從昔來未曾聞見。

## 九、佛說地藏王菩薩之威德相

《大方廣十輪經》云：「爾時世尊告渴仰菩薩，止止大士，不須是問，一切大眾及諸天人，除佛如來無有能知此善男子功德數量，如來今日必當顯說，但諸天人愚闇自蔽，是族姓子，成就不可思議功德首楞嚴三昧，入如來行處得無量法忍，於諸佛法而得自在，入深法忍已度一切智海，此善男子，遊戲以師子光三昧，登一切智山須彌之頂，摧伏異學成熟眾生，在所佛國悉皆止住。

隨諸佛國入智三昧，以是三昧力故，令一切國土眾生見諸菩薩。

隨諸佛國入智樂三昧，於彼國土所有供養隨供養佛。

隨諸佛國入清淨樂三昧，入是三昧悉見諸欲一切過患，而於心相清淨無染。

隨諸佛土入慚愧三昧，而於彼國令諸眾生悉得慚愧，遠離諸惡無有愚闇，隨諸佛國入水漂三昧，亦能令彼一切眾生悉入是定，令諸眾生得宿命智，能知先世死此生彼，善於禪定。

隨諸國土入無憂明三昧，亦能令彼一切眾生悉離憂愁，於諸佛國入神通三昧，亦能令彼一切眾生，皆入神通三昧。

隨佛國土入智明三昧，亦能令彼一切眾生悉離愚癡，便見十方一切佛國，隨諸佛國入佛炬三昧，亦能令彼一切眾生皆歸三昧。

隨諸佛國入金剛光三昧，入是三昧已，亦能令彼一切諸佛國土，鐵圍大鐵圍，乃至須彌山王，一切嶮澗溝壑，皆悉不現地平如掌，能令一切諸惡毒蛇，及以蠱道皆悉消滅。

隨諸佛國入智力降伏三昧，亦能令彼魔及魔眷屬，皆悉驚怖歸依三寶，隨諸佛國入電光三昧，亦能令彼一切眾生，離後世怖得法安慰。

隨諸佛國入味樂三昧，亦能令彼一切眾生，隨其所念飲食悉得充足。

隨諸佛國入精氣悅樂三昧，亦能令彼一切眾生，得堅牢身離諸病苦。

隨諸佛國入樂具三昧，亦能令彼一切眾生，悉得床敷臥具衣服瓔珞無所乏少，病瘦醫藥身皆端正。

隨諸佛國入無諍智三昧，亦能令彼一切眾生，身皆長壯端嚴殊大，遠離一切怨憎繫縛皆得受樂，皆好布施持戒忍辱精進禪定心無散亂，具足智慧深入法門。

隨諸佛國入無憂怖三昧，而能於彼一切眾生，皆得歡樂心離憂怖。

隨諸佛國入光樂三昧，於彼佛國一切眾生，得無礙智離於事務。

隨諸佛國入善住金剛三昧，亦能令彼一切眾生，得諸根具足悉不缺壞，隨諸佛國入觀幢三昧，亦能令彼一切眾生，皆悉厭離棄捨諸惡，護持十善上生天道，隨諸佛國深入大慈音聲三昧，亦能令彼一切眾生，各相哀愍皆起慈心，得無畏心，得無惱心等心，更相悲念。

隨諸佛國入集福處三昧，亦能令彼一切眾生，得離鬪諍疾病飢饉非時風雨，飲食苦澁辛酸等味，皆悉消滅，是地藏菩薩，所至佛土入海電三昧，隨所至國，一切皆悉變成寶地離諸穢惡，衣樹瓔珞樹華果樹嚴飾佛界，於晨朝時，入恒河沙世界三昧，為成熟眾生故，從禪定起，令無量無邊諸佛世界於五濁惡世成就眾生悉空無餘，有佛世界，刀兵起時，此族姓子，以晨朝時入三昧力故，刀兵鉞仗皆悉消滅。

隨諸佛土有疾疫劫起害諸眾生，亦令病疫自然消除。

隨諸佛土若有飢饉劫起，令彼飢饉亦盡消滅悉得充滿。

此族姓子，以是三昧威神力故，能令成熟一切眾生，地藏菩薩，以不思議功德成熟眾生，於過去無量恒河沙諸佛所，久發大悲堅固誓願，皆悉成熟一切眾生，莊嚴勢力猶如雷震，於一食頃而能成熟無量億等那由他人具足善根。

若有眾生為無量億種種諸苦惱，飢渴切逼，有稱地藏菩薩名者，悉能令彼飲食充足滅諸苦惱，置涅槃道皆得快樂。

若有眾生乏少衣服寶冠瓔珞，病瘦醫藥種種眾具，若稱地藏菩薩名者，隨其所欲皆令充足，安住涅槃道得第一樂。

若有眾生離喜樂心，而與不喜樂集會者，若稱地藏菩薩名者，一切樂具盡皆歸之，所不喜者亦悉遠離，是意所樂者，能令皆得安住涅槃得第一樂。

若有眾生身心受苦眾病所持，能稱地藏菩薩名號，身心苦惱皆悉除愈，安置涅槃得第一樂。

若諸眾生惡心相向，能稱地藏菩薩名號一心歸依者，令彼眾生柔和忍辱更相慚愧，慈心懺悔安住涅槃。

若諸眾生繫閉牢獄，枷鎖其身具受眾苦，能稱地藏菩薩名號一心歸依者，令諸眾生皆得解脫自在無礙，乃至應被繫縛囚執鞭杖，能稱地藏菩薩名號一心歸依者，亦復如是皆悉解脫，安住涅槃得第一樂。

若有眾生諸根不具疲極懈怠，顛狂放逸忘失本心，貪欲瞋恚愚癡嫉妬，慳慳邪癡，憍慢睡眠等惡皆悉熾盛，能稱地藏菩薩名號一心歸依者，如是眾苦皆令解脫安住涅槃得第一樂。

若有眾生為大水漂流猛火所焚，或墜高巖投身山險，或墜樹木及諸屋舍而身顛覆，有如是等無量怖畏，稱地藏菩薩名號一心歸依者，有如是等怖畏之事悉令解脫安住涅槃得第一樂。

若有眾生為諸毒蛇種種禽獸之所螫者，或被種種毒藥所中，能稱地藏菩薩名號一心歸依者，是諸怖畏悉得解脫。

若有眾生為阿波魔羅掩蔽傷害，若一日二日三日乃至四日，能令心狂心亂心戰心調心顛倒乃至失心，能稱地藏菩薩名號一心歸依者，如是族姓男女，於諸怖畏悉皆解脫，安住涅槃得第一樂。

若有眾生為諸羅刹惡鬼所捉，鳩槃荼所捉，富單那所捉，迦吒富單那，師子虎狼，惡毒蟲道，或為軍陣戰鬥怨賊圍遶，臨敵懼死貪生求樂，能稱地藏菩薩名號一心歸依者，如是族姓子男女，速離眾苦悉除患難，安住涅槃得第一樂。(待續)